

**Zeitschrift:** Annalas da la Societad Retorumantscha  
**Herausgeber:** Societad Retorumantscha  
**Band:** 96 (1983)

**Artikel:** Seminari da mussadras LR : rapport digl cunzegl scola  
**Autor:** Battaglia, Luzi  
**DOI:** <https://doi.org/10.5169/seals-234646>

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 22.08.2025

**ETH-Bibliothek Zürich, E-Periodica, <https://www.e-periodica.ch>**

la scola. L'activitatad cun ils curs stuvess er offrir cuntegns pli spezials, tenor l'interess da las gruppas, sco costums, reclama, finanzas, dramaturgia etc. Ina pussaivladad d'augmentar ils contacts fiss er d'organisar discussiuns avertas sur da represchentaziuns e projects en las regiuns.

La lavur dal post stuvess daventar dapli ina pussaivladad da contacts na be tranter la gruppera che dumonda e la LR, ma er tranter las gruppas, tranter ils exponents, tranter las experienzas cun il teater en il Grischun. La conscienza linguistica e culturala rumantscha stuvess esser il mument spezial da tut tschella lavur pli u main organisatoria da la realisaziun dals projects.

*Gian Gianotti  
Mariano Tschuor*

## Seminari da mussadras LR

### Raport digl cunzegl scola

L'antscheata da fanadur 1982 en 14 novas mussadras sortidas da la «Tgea rumàntscha» cugl diplom da mussadras suainter egna scolaziùn da dus ons ad examens prastos an teoreia a practica. Quella diplomaziùn â egn aspect historic parquei c'igl e la davosa diplomaziùn da mussadras dalla LR. Las davosas mussadras diplomadas antras la LR en:

Anna Camenisch, Flond; Antonia Casutt, Falera; Greta Caviezel, Tschlin; Emerita Dosch, Tinizong; Gabriela Erni, Trin; Daniela Farrèr, Stierva; Gabriela Fedi, Ardez; Barbara Fenner, Puntraschigna; Babigna Netzer, Savognin; Andreetta Nogler, Ramosch; Emilia Raschèr, Susch; Maria Sgier, Andiast; Elisabeth Veraguth, Vuorz; Tonia Willi, Domat.

Igl nov on da scola 1982/83 â antschiert igls 30 d'avust 1982 cun 12 scularas agl amprem curs a 14 scularas agl savund curs. Sper la directura duna Margritta cun scharscha antiera en 16 forzas auxiliaras partizipadas ved igl pensum d'instrucziùn. Las scularas vignan tenor plàn d'instrucziùn instruidas agls roms: etica, biologia, zambargear, zivica, tudestg,

dissegn, gimnastica, ritmica, practica, musica, pedagogia, metodica, psicologia e se capescha rumàntschi.

Las pratandientschas, ca vignan tschantadas a nossas mussadras en ualti gràndas. Las qualificaziùns professionalas d'egna mussadra àndantànt ear egna grànda impurtàanza. Igl intent digl seminari dalla LR e da porscher a las scularas egna bùna scolaziùn a formaziùn. Sper igls roms digl plàn d'instrucziùn a sper igls practicum frequentan las scularas ear tschearts curs.

Digls 11 d'oct. tocen igls 15 d'oct. 1982 àn las scularas gieu igl suandànt curs intensiv:

1. classa tema: Nus ad igl noss tgierp a) experientga cugls unfànts  
b) consequenzas par la lavur an scoleta. c) practica cugls unfànts.
2. classa: lavur an len.

Digls 14 da favrer tocen igls 18 da favrer à gieu liac egn curs sut igl tema: sport parsunal a sport an scoleta, teoreia a practica cun unfànts.

Igl examens da rezepziùn pigl on 1983/84 àn gieu liac l'antscheata da november 1982. Il CS à savieu rezepir 14 novas scularas pigl proxim curs da scolaziùn. Quellas 14 matas vignan ad eassar las ampremas mussadras da la nova era da scola da dunas cantunala.

Vurdànt ancùnter a la surdada digl seminari LR agl cantùn sani eassar leads a pensivs da que fatg. D'egna vart savainsa eassar leads da vagnir scargaia d'egna grànda lavur c'â pratandieu da nus savens las davosas forzas, da l'otra vart resta ear egn tec an carschadetgna – sco adegna sch'ign sto dar or da mèn anzatge c'ign à biagieu sei cun grànd quito ad idealissem.

An l'instàンza agl departament d'educaziùn vagn nus scizo egn plàn detaglieu par egn seminari da mussadras rumàntschi ad ear franco noss postulats spezifis c'igl nov seminari cantunal sto risguardar. Quels postulats partucan, quei e cler igl mantenimaint digl lungatg rumàntschi. Nus vagn ear exprimieu igl giavisch agl cantùn da risguardar tànt sco pussevel las scolastas ad igls scolasts digl seminari da la LR par egn angaschamaint agl nov seminari cantunal. Bùnas novas vainsa an que risguard c'igl cantùn à pladieu nossa directura duna Margritta ear sco nova directura a la partiziùn rumàntscha a la scola da dunas. Nus salagragn cun duna Margritta da questa honorifica elecziùn.

Duna Margritta à suprieu la direcziùn digl seminari LR an egn mumaint critic. Cun sieus angaschamaint a sia perseveràanza à ella biagieu sei igl seminari sen egn admirabel scalem ascheia ca nus savagn surdar igl

fenadur egn seminari agl cantùn, ca stat a peer an mintga gro cun oters seminaris da mussadras.

A duna Margritta, a l'equipa da surmesters a surmestras, agl secretariat da la LR segi angraztgieu da cor par la grànda ad exzelenta laver prastada a quei an egna atmosfera da colaboraziùn harmonica.

Angraztgear less jou ear a meas colegas digl cunzegl scola ad a la suprastàンza da la LR par tut quei c'els ân fatg pigl seminari da mussadras. Cun quels pleds d'angraztgamaint less jou sarar mieus davos raport digl cunzegl scola LR.

*Luzi Battaglia, Trin*

## Nossas societads affiliadas

### Società Retorumantscha (SRR)

Da temps en temps eisi forsa gest e dueivel da clamar a memoria che la Societad Retoromontscha ei la pli veglia organisaziun dils Romontschs. Ella ei era l'emprema che ha rimnau ils Romontschs da tuttas valladas sut sias alas ed ei sespruada dall'entschatta enneu da tgirar nies lungatg e nossa cultura, mo era da dar curascha da mantener nossa ierta. Con mal che nus stessen oz e per con pli paupers che nus fussen, sa mo quel sminar, che pren ina gada la peda da sfegliar els 95 toms dallas Annalas ni che vul far ina viseta agl Institut dil Dicziunari Rumantsch Grischun a Cuera.

Cul fatg e prestau digl onn che va a fin essan nus fetg cuntents.

#### *1. Il Dicziunari Rumantsch Grischun*

Da quel ein compari egl onn current treis faszichels: 93, 94 e 95 che cumpeglian ils cavazins Glin – Gon. Quei ei ina biala raccolta. Quel che